

UGOVOR o nabavci usluge

zaključen između:

1. **Agencije za zaštitu ličnih podataka u Bosni i Hercegovini**, Dubrovačka broj 6, Sarajevo, koju zastupa direktor dr. Dragoljub Reljić (u daljem tekstu: Ugovorni organ), ID broj: 4201361110005 sa jedne strane, i
2. **Regos tim doo**, Trg Međunarodnog prijateljstva 20, Sarajevo, koju zastupa Mirsada Haskić (u daljem tekstu: Davalac usluge), ID broj: 4200976120004, sa druge strane.

Član 1.

- (1) Predmet ovog Ugovora je nabavka usluge registracije i tehničkog pregleda vozila za potrebe Ugovornog organa uz poštivanje svih normi kvantiteta i kvaliteta usluge.
- (2) Na osnovu provedenog postupka javne nabavke usluge putem direktnog sporazuma Ugovorni organ je Odlukom o izboru najpovoljnijeg ponuđača broj: UP1 06-16-19-14-5/25 od 07.07.2025. godine, ocijenio ponudu Davaoca usluge broj: 3830/25 od 07.07.2025. godine prihvatljivom.

Član 2.

Ugovorne strane su se sporazumjele da će, u periodu važenja ovog Ugovora, Davalac usluge izvršiti uslugu registracije i tehničkog pregleda vozila Ugovornog organa i to WV Passat B8, Citroen C3 i Opel Insignia za iznos od 651,38 KM bez PDV-a, u skladu sa Obrascem za cijenu ponude koji čini sastavni dio ovog Ugovora.

Član 3.

Davalac usluge se obavezuje da će predmetnu nabavku izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene nabavke.

Član 4.

- (1) Davalac usluge se obavezuje da će za svaku pojedinačno izvršenu uslugu dostaviti Ugovornom organu fakturu za izvršenu uslugu.
- (2) Ugovorni organ se obavezuje da će plaćanje vršiti u skladu sa trezorskim sistemom, žiralno u roku od 30 dana od dana dostavljanja fakture.

Član 5.

- (1) Ovaj Ugovor se zaključuje na određen period, do izvršenja usluge.
- (2) Ovaj Ugovor stupa na snagu danom obostranog potpisivanja.

Član 6.

U slučaju neispunjenja obaveza iz člana 1. ovog Ugovora, Ugovorni organ zadržava pravo jednostranog raskida ovog Ugovora, bez saglasnosti Davaoca usluge i bez posljedica za Ugovorni organ.

Član 7.

Davaocu usluge se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije, ili su bila u svojstvu člana ili stručnog lica koja je angažovala Komisija za javne nabavke, najmanje šest mjeseci od početka realizacije Ugovora.

Član 8.

Sve eventualne nastale sporove pri realizaciji ovog Ugovora, Ugovorne strane će rješavati sporazumnim putem, u protivnom ugovara se nadležnost Općinskog suda u Sarajevu.


Član 9.


Za sve što nije regulisano ovim Ugovorom, primjenjivat će se odredbe Zakona o obligacionim odnosima.

Član 10.

Ovaj Ugovor je sačinjen u 5 (pet) istovjetnih primjeraka, od čega Ugovorni organ zadržava 3 (tri) primjerka a Davalac usluge 2 (dva) primjerka.


DAVALAC USLUGE


Mirsada Haskić




Broj: 2831

Datum, 09.07.25



UGOVORNI ORGAN


dr. Dragoljub Reljić

Broj: UP1 08-16-19-14-7/25

Datum, 09.07.2025. godine